

Educes me de laqueo hoc quem absconderunt mihi : quoniam tu es protector meus.

In manus tuas commendo spiritum meum : redemisti me, Domine, Deus veritatis.

Gloria, &c.

Psaume 62.

QUI habitat in adjutorio Altissimi, in protectione Dei cœli commorabitur.

Dicet Dominus : susceptor meus es tu, et refugium meum : Deus meus, sperabo in eum.

Quoniam ipse liberavit me de laqueo venantium, et à verbo aspero.

Scapulis suis obumbrabit tibi, et sub pennis ejus sperabis.

Scuto circumdabit te veritas ejus, non timebis a timore nocturno.

A sagitta volante in die, à negotio perambulante in tenebris : ab incursu & dæmonio meridiano.

Cadent a latere tuo mille, et decem millia a dextris tuis : at te autem non appropinquabit.

Verumtamen oculis tuis considerabis, & retributionem peccatorum videbis.